



Broj 02-34-00017/24

Datum, 05.02.2024. godine

Na osnovu člana 38. Statuta Općine Donji Vakuf («Službeni glasnik Općine Donji Vakuf», broj:1/08, 2/12 i 3/16), člana 4. Pravilnika o utvrđivanju kriterija i postupku za dodjelu stipendija studentima s područja Općine Donji Vakuf („Službeni glasnik Općine Donji Vakuf», broj:3/18) i Odluke o dodjeli stipendija redovnim studentima za akademsku 2023/2024. godinu, broj: 01-04-03132/23 koju je donijelo Općinsko vijeće Donji Vakuf na sjednici održanoj dana 28.12.2023. godine, općinski načelnik, r a s p i s u j e

KONKURS

za dodjelu stipendija redovnim studentima za akademsku 2023/2024 godinu

I

Pravo na dodjelu stipendija imaju studenti državljani BiH koji ispunjavaju sljedeće uslove:

1. da ima mjesto prebivališta na području općine Donji Vakuf,
2. da je u akademskoj 2023/2024 godini **prvi put** upisao određenu godinu dodiplomskog, diplomskog ili integrisanog dodiplomskog i diplomskog studija u statusu redovnog ili redovnog samofinansirajućeg studenta na istom fakultetu,
3. da nema navršenih 26. godina života na dan objave konkursa,
4. da ne prima kredit, stipendiju ili drugu vrstu subvencije od drugog davaoca,
5. da nemaju status studenta apsolventa,
6. da studira na fakultetu u Bosni i Hercegovini,
7. da roditelji studenta nemaju obaveza prema Općini Donji Vakuf na ime komunalne naknade, naknade za korištenje građevinskog zemljišta, zakupa građevinskog zemljišta ili drugih neizmirenih obaveza.

II

Za akademsku 2023/2024 dodjelit će se ukupno **80 (osamdeset)** stipendija i to:

- prva godina studija..... 10 stipendija
- druga godina..... 17 stipendija
- treća godina..... 17 stipendija
- četvrta godina (dodiplomski, I godina – II ciklus diplomski ili integrisani dodiplomski i diplomski studij).....17 stipendija
- peta godina (I ili II godina – II ciklus diplomski i integrisani dodiplomski i diplomski studij).....17 stipendija
- šesta godina (samo za integrisani studijski program)..... 2.stipendije

III

Dodjela stipendija vršit će se u skladu sa Pravilnikom o utvrđivanju kriterija i postupku za dodjelu stipendija studentima s područja Općine Donji Vakuf („Službeni glasnik Općine Donji Vakuf», broj: 3/18).

Postupak izbora kandidata po konkursu provodi Komisija za provođenje konkursa za dodjelu stipendija, koju je Rješenjem imenovao načelnik Općine Donji Vakuf.

IV

Uz prijavu na konkurs kandidati su dužni priložiti dokaze o ispunjavanju uslova konkursa kako slijedi:

1. dokaze o ispunjavanju uslova iz člana 3. Pravilnika:

- uvjerenje o prebivalištu (CIPS),
- uvjerenje/ potvrda fakulteta da student **prvi put** upisuje određenu godinu (obavezno potvrda mora sadržavati naznaku da se prvi put upisuje semestar/akademska godina) dodiplomskog, diplomskog ili integrisanog dodiplomskog i diplomskog studija u statusu redovnog ili redovnog samofinansirajućeg studenta u tekućoj akademskoj godini,
- ovjerenu izjavu studenta da ne prima stipendiju, kredit ili neki drugi vid subvencije drugog davaoca,
- uvjerenje ili potvrdu da roditelj nema neizmirenih obaveza prema Općini Donji Vakuf (Služba za prostorno uređenje, katastar i imovinsko-pravne poslove).

2. Dokaze o postignutom uspjehu u školovanju/studiju iz člana 8. tačka a) Pravilnika

- ovjerenu kopiju svjedočanstva o završenom, prvom, drugom, trećem i četvrtom razredu srednje škole za studente prve godine studija,
- ovjerena kopija diplome „Učenik generacije“ za učenike generacije,
- potvrda/uvjerenje fakulteta o **svim položenim ispitima** sa ocjenama za studente druge i viših godina studija (ukoliko je student III godina studija, potvrda/uvjerenje treba da sadrži ocjene I i II godine studija itd.).

3. Dokaze o materijalnom i socijalnom statusu iz člana 8. tačka b) i c) Pravilnika

- ovjerenu kućnu listu,
- potvrdu o redovnom školovanju za brata ili sestru koji su studenti,
- za nezaposlene članove domaćinstva, uvjerenje da se vode na evidenciji nezaposlenih lica izdatu od Zavoda za zapošljavanje ne starije od 30 dana, original ili ovjerena kopija;
- za studente bez roditelja, izvod iz matične knjige umrlih, original ili ovjerena kopija,
- za studente sa invaliditetom, dokaz o stepenu invalidnosti od nadležnog organa, original ili ovjerena kopija,
- za zaposlene članove domaćinstva, uvjerenje poslodavca o visini primanja u posljednja tri mjeseca, a za privatne poduzetnike uvjerenje nadležne porezne ispostave o izmirenim poreznim obavezama vlasnika samostalne djelatnosti i uvjerenje o ostvarenom dohotku za prethodnu godinu,
- uvjerenje PIO/ MIO da se član domaćinstva ne nalazi u matičnoj evidenciji osiguranika, za nezaposlene članove domaćinstva koji se ne vode na evidenciji službe za zapošljavanje ne starije od 30 dana, original ili ovjerena kopija,
- ček MIO/PIO o visini penzije, original ili ovjerena kopija,

